

Bosna i Hercegovina
Federacija Bosne i Hercegovine
Tuzlanski kanton
Grad Tuzla



Služba za ekonomski razvoj
i društvene djelatnosti

Broj: 04-517/2019

Tuzla, 27.06. 2019. godine

PREDMET: Program raspodjele sredstava tekućeg granta za podršku primarne poljoprivredne proizvodnje na području grada Tuzla, za 2019. godinu

U Budžetu Grada Tuzla za 2019. godinu, za očuvanje dostignutog nivoa razvoja primarne poljoprivredne proizvodnje, na poziciji tekućeg granta, planirana su sredstva u iznosu od 50.000,00 KM.

Članom 20. Odluke o izvršavanju Budžeta Grada Tuzla za 2019. godinu („Službeni glasnik Grada Tuzla“, broj: 13/18) utvrđeno je da se sredstva na navedenoj poziciji raspoređuju na osnovu programa raspodjele sredstava, kojeg na osnovu zapisnika o radu i konačne rang liste Komisije za ocjenu i odabir projekata neprofitnih organizacija, usvaja Pomoćnik gradonačelnika za Službu za ekonomski razvoj i društvene djelatnosti, u skladu sa važećim kriterijima.

Uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, između ostalih, i u prioritetoj oblasti poljoprivreda, utvrđeni su važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19), (u daljem tekstu: Odluka).

Na osnovu člana 4. ove Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, za 2019. godinu, broj: 04-159/19, od 20.02.2019. godine, kojim su, između ostalog, u okviru prioritete oblasti-poljoprivreda, određena sektorska područja, odnosno prioritete podoblasti, prihvatljive aktivnosti i fokus projekata neprofitnih organizacija koji se kandiduju putem javnog poziva, ciljne grupe prema kojim su usmjerene projektne aktivnosti, minimalni i maksimalni iznos pojedinačne podrške krajnjih korisnika u oblasti poljoprivrede i druga pitanja u vezi sa načinom raspoređivanja i utroška ovih sredstava.

Putem javnog poziva neprofitnim organizacijama za predlaganje projekata koji će se podržati između ostalog, i iz sredstava sa pozicije Tekućeg granta za podršku primarne poljoprivredne proizvodnje, akoci je bio otvoren od 29.04.2019. do 20.05.2019. godine, zaprimljena su tri projekta, koja su u propisanom postupku, komisijski pregledana i spram propisanih kriterija i podkriterija adekvatno ocijenjeni.

Za odobravanje podrške i dodjelu sredstava sa Tekućeg granta, validno je komisijski vrednovan i ocijenjen odgovarajućim brojem bodova, samo Projekat „Agropoduzetništvo na području grada Tuzla“, kao sveobuhvatan projekat, koji će implementirati Udruženje „Bosper“ Tuzla, za što posjeduje tehničke, kadrovske i organizacione pretpostavke, neopohodne za uspješnu realizaciju predviđenih aktivnosti, te je uvršten u Program raspodjele sredstava tekućeg granta za podršku primarne poljoprivredne proizvodnje na području grada Tuzla, za 2019. godinu (u daljem tekstu: Program).

Ciljnu grupu krajnjih korisnika ovog Programa predstavljaju proizvođači koji su ranije pokrenuli i razvili poljoprivrednu proizvodnju, u plasteničkoj proizvodnji povrća, stočarstvu, u segmentu proizvodnje mlijeka i mesa, svinjogojstvu i pčelarstvu, te voćarstvu.

Podrška u okviru ovog Programa realizovat će se kroz nabavku neophodnih repromaterijala i inputa za održavanje i nastavak bavljenja poljoprivrednom proizvodnjom, promociji i unapređenju plasmana, te osiguranju novouspostavljenih kapaciteta u 2019. godini.

Prema tome, ovim Programom će se pružiti sveobuhvatan spektar podrški, u različitim vidovima proizvodnje, što se u dosadašnjem periodu pokazalo efikasnom i korisnom intervencijom na ublažavanju negativnog uticaja visokih cijena repromaterijala na cijenu koštanja poljoprivrednih proizvoda, neadekvatnog sistema podrške i zaštite domaće poljoprivredne proizvodnje na višim

nivoima, što se ogleda u niskim otkupnim cijenama proizvoda, neredovnim isplatama novčanih podsticaja na višim nivoima.

Pravo na podršku iz sredstava tekućeg granta imaju:

- fizička lica- individualni poljoprivredni proizvođači sa područja grada Tuzla, kao i
- pravna lica i obrtnici registrovani za poljoprivrednu djelatnost na području grada Tuzla.

Visina ukupne podrške koju pojedinačni korisnik može ostvariti i po osnovu kapitalnog i tekućeg granta u oblasti primarne poljoprivredne proizvodnje određena je naprijed navedenim Programom utroška sredstava iz Budžeta Grada Tuzla za podršku projekata neprofitnih organizacija putem javnog poziva, za 2019. godinu (broj: 04-159/19, od 20.02.2019. godine) uz obavezu vlastitog ulaganja proizvođača-korisnika, te uz princip da se podrška ne isplaćuje direktno korisniku u novčanom iznosu, nego se transferiše za uplatu dobavljaču, kao smanjenje ulaganja proizvođača-korisnika za nabavku poljoprivrednih resursa i repromaterijala.

Aktivnosti prihvaćenog projekta: „**Agropoduzetništvo na području grada Tuzla**“, koji je preuzet i sadržan u ovom Programu i koje predstavljaju oblike programske podrške u 2019. godini, su sljedeće:

Obezbjeđenje repromaterijala u plasteničkoj proizvodnji

Podrška je predviđena za stare korisnike iz ranijih programa podrške i projekata međunarodnih organizacija, kao i za nove korisnike iz 2019. godine (novi korisnici su proizvođači koje će uz podršku Grada, iz programa kapitalnog granta, nabaviti novi platenik).

Za proizvođače povrća u plastenicima koji imaju već uspostavljenu proizvodnju i koji su upisani u Registar poljoprivrednih gazdinstava predlaže se podrška u nabavci kvalitetnog rasadnog materijala za zasnivanje proizvodnje zdravog povrća, u proljetnom ciklusu 2020. godine. Planira se da podrška u nabavci rasadnog materijala iznosi **maksimalno 0,50 KM/m²**, tako da za nabavku rasada za platenik od 100 m² podrška iznosi **50,00 KM /plateniku**.

Također, za nove korisnike koji će u okviru projekta „Primarnom poljoprivrednom proizvodnjom do bržeg lokalno-ekonomskog razvoja“ započeti plasteničku proizvodnju i u 2019. godini nabaviti platenike od po 100 m² planirana je podrška u rasadnom materijalu u iznosu od **100,00 KM/plateniku**.

Za ovu podršku izdvajaju se sredstva u ukupnom iznosu od 10.700,00 KM.

Ovaj oblik podrške, odnosno ova projektna aktivnost, realizovat će se u saradnji sa udruženjem proizvođača u plastenicima, u pogledu sačinjavanja liste korisnika, te učešća u proceduri odabira najpovoljnijeg dobavljača, ukoliko udruženje iskaže interes za rad u postupku nabavke.

1.2. Podrška proizvođača u oblasti proizvodnje meda

Kako bi se osiguralo očuvanje proizvodnje meda i pčelarskih proizvoda, u skladu sa iskazanim potrebama, planira se **podrška koja će se realizovati kroz nabavku hrane (pogačica) za prihranu pčela**. Polazeći od obuhvata i visine podrške iz prethodne godine, planirano je da se u 2019. godini, podrškom obuhvate proizvođači sa područja grada Tuzle, koji imaju uspostavljenu proizvodnju i koji su upisani u Registar poljoprivrednih gazdinstava (RPG) i Registar pčelara Federacije BiH, odnosno koji imaju prijavljenu planiranu proizvodnju u ovim Registrima za 2019. godinu. Podrška se može ostvariti za prijavljeni broj košnica u 2019 godini u rasponu od 15 do 50 košnica. Za ovaj oblik podrške izdvajaju se sredstva u iznosu od **5.600,00 KM**.

Ovaj oblik podrške, odnosno projektna aktivnost realizovat će se u saradnji sa udruženjima pčelara, u pogledu sačinjavanja liste korisnika, te učešća u proceduri odabira najpovoljnijeg dobavljača, ukoliko udruženja iskažu interes za rad u postupku nabavke.

1.3. Podrška proizvođačima u nabavci NPK gnojiva

Podrška je predviđena za korisnike koji imaju već uspostavljenu proizvodnju mlijeka i mesa i proizvodnju kornišona, u nabavci neophodnih repromaterijala za proizvodnju, kako bi se ublažio negativan uticaj visoke cijene repromaterijala u ovoj proizvodnji, a sa druge strane neadekvatan

sistem podrške i zaštite domaće poljoprivredne proizvodnje na višim nivoima u pogledu niske otkupne cijene proizvoda i nedovoljne i neredovne isplate podsticaja na višim nivoima.

Na ime podrške proizvođača mlijeka i mesa, koji će vlastitim sredstvima, za potrebe vlastite proizvodnje stočne hrane, izvršiti jesenju pripremu zemljišta u 2019. godini, za proljetnu sjetvu u 2020. godini, kada će zasijati kukuruznu i travnu silažu, ovim Programom se planiraju izdvojiti sredstva za nabavku mineralnog NPK gnojiva, za oko 50 proizvođača, koji se opredjele i iskažu interes za ovu proizvodnju.

Također, planirana je nabavka NPK gnojiva i za oko 10 proizvođača kornišona koji su potpisali ugovor o otkupu sa registrovanim otkupljivačem na području grada Tuzla.

Za nabavku đubriva za proizvodnju kornišona, kukuruzne i travne silaže, raspoređuju se ovim Programom sredstva u iznosu od **6.390,00 KM**.

Sa Bosper-om će se ugovorom regulisati način čuvanja i podjele đubriva, a uslove i kriterije raspodjele odredit će Grad Tuzla, u skladu sa zadanim kriterijima iz projekta Bosper-a, koji se odnose na posjedovanje broja grla, prijavu proizvodnje u Registru poljoprivrednih gazdinstva i drugo.

1.4. Obezbjedenje stočne hrane za svinje:

Za proizvođače u svinjogojstvu, koji imaju nazimice ili suprasne (rasplodne) krmače i koji su prijavljeni u Registar poljoprivrednih gazdinstava kod nadležnog gradskog organa, planiraju se sredstva na ime **podrške u obezbjeđenju stočne hrane za svinje. Za nabavku hrane izdvajaju se sredstva u ukupnom iznosu od 5.500,00 KM**, kojom se, prema sadašnjim tržišnim cijenama, planira nabavka oko 7 tona stočne hrane, za 55 korisnika, što će doprinijeti održivosti i očuvanju ove vrste poljoprivredne proizvodnje.

Distribucija nabavljene hrane krajnjim korisnicima će se vršiti u zavisnosti od ukupnog broja prijavljenih korisnika koji ispunjavaju kriterije predviđene Projektom (posjedovanje najmanje 2 nazimice ili suprasne krmače pod veterinarskom zaštitom, uz izjavu korisnika o obavezi zadržavanja ili pak povećanja broja grla u narednom periodu, te u skladu sa maksimalnim iznosom podrške koju može ostvariti pojedinačni proizvođač, prema općim kriterijima iz ovog Programa), štoće utvrditi neposredno u kontrolnom obilasku osoblje Bosper-a, te usaglašavanjem sa stanjem prijavljene proizvodnje u Registru poljoprivrednih gazdinstava.

Ovaj oblik podrške, odnosno projektna aktivnost realizovat će se u saradnji sa udruženjem svinjogojaca, u pogledu sačinjavanja liste korisnika, te učešća u proceduri odabira najpovoljnijeg dobavljača, ukoliko udruženje iskaže interes za rad u postupku nabavke.

1.5. Podrška u gorivu za prevoz mlijeka do otkupnih stanica:

Za sufinansiranje troškova prikupljanja mlijeka od proizvođača koji su u sistemu organizovanog otkupa, a čije su farme na većoj udaljenosti od otkupne stanice, raspoređuju se sredstva u **ukupnom iznosu od 5.000,00 KM**.

Ovom podrškom planira se obuhvatiti proizvođače koji su u sistemu otkupa mlijeka, a mlijeko predaju u otkupne stanice u Bukinju, Dragunji, Doknju, Simin Hanu i Gornjoj Tuzli, gdje je najveća koncentracija proizvođača čije su farme na većoj udaljenosti od otkupne stanice.

Podrška će se realizovati u gorivu za motorno vozilo kojim se vrši prevoz mlijeka, na način da će se obezbijediti da osobe koje prikupljaju mlijeko ili proizvođači koji sami prevoze mlijeko do otkupnih stanica mogu nabaviti gorivo na benzinskim pumpnim stanicama, u količinama koje će se odrediti prema udaljenosti i broju udaljenih proizvođača od otkupne stanice, kao i prema količinama mlijeka koje isti predaju u otkup, odnosno proporcionalno broju pređenih kilometara i predatoj količini mlijeka (prema podacima iz mjeseca maja 2019. godine).

Implementator projekta će izvršiti odabir isporučioaca goriva na čijoj će benzinskoj stanici proizvođači obuhvaćeni ovim oblikom podrške nabavljati gorivo.

1.6. Podrška očuvanju proizvodnje gljiva kod proizvođača sa područja grada Tuzla:

Kako bi se obezbijedila održivost u ovom segmentu poljoprivredne proizvodnje, ovim Programom, za predloženu aktivnost iz projekta „Bosper“-a, izdvajaju se sredstva u iznosu od **750,00 KM**, a predviđena su za podršku proizvođača gljiva koji su upisani u Registar poljoprivrednih gazdinstava na područja grada Tuzla, u vidu nabavke repromaterijala, i to

podloški, PVC filma-folije za pakovanje gljiva, uz uslov da korisnici potpišu izjavu da za ove namjene neće biti obuhvaćeni podsticajima iz drugih izvora.

U implementaciju ovog oblika podrške biće uključeni proizvođači iz ovog segmenta poljoprivredne proizvodnje, u pogledu sačinjavanja liste korisnika, te učešća u proceduri odabira najpovoljnijeg dobavljača, ukoliko iskažu interes za rad u postupku nabavke.

1.7. Podrška za korisnike u oblasti voćarstva:

Pravo na podršku imaju proizvođači voća sa područja Grada Tuzla, a koji imaju potpisan ugovor za tekuću godinu o otkupu voća sa registrovanim otkupljivačem ili prerađivačem voća na području grada Tuzla.

Podrška je planirana za 20 proizvođača voća iz predhodnog stava, koji imaju već uspostavljenu proizvodnju i koji su upisani u Registar poljoprivrednih gazdinstava. Predlaže se podrška u nabavci repromaterijala (mreža za zasjenjivanje, sistema za navodnjavanje, pocinčane zatezne žice, đubriva i sredstva za zaštitu).

Za ovu aktivnost izdvajaju se sredstva u ukupnom iznosu od **2.000,00 KM**.

1.8. Podrška u pokrivanju police osiguranja novonabavljenih resursa:

U cilju obezbjeđenja većeg stepena zaštite ulaganja u podizanje novih poljoprivrednih kapaciteta, odnosno osiguranja od nepovoljnih klimatskih uticaja (oluja, tuča, uticaj groma, suša, poplave, proljetni mrazovi), koji mogu prouzrokovati velike štete na poljoprivrednim usjevima, nasadima i proizvodnji u plastenicima, ovim Programom je predviđeno izdvajanje sredstava za obezbjeđenje police osiguranja za novonabavljene plastenike (osiguranje folije), te zasnovane nasade jagodičastog voća, uspostavljene kroz Program kapitalnog granta u 2019. godini.

Za ovaj vid podrške izdvajaju se sredstva u **ukupnom iznosu od 1.560,00 KM**, kako je predloženo u projektu „Bosper“-a, prema parametrima i ponudama osiguravajuće kuće, sa kojima će „Bosper“ ugovoriti police osiguranja, za konkretne vrste osiguranja prema vrsti proizvodnje koja se osigurava.

1.9. Edukacija poljoprivrednih proizvođača:

Putem agronoma za stočarstvo i ratarstvo u segmentu plasteničke proizvodnje povrća, organizovat će se po jedna teorijska edukaciju za proizvođače iz navedenih oblasti, te će se izvršiti kontrolni obilazak korisnika u proizvodnji mlijeka i mesa, te svinjogojstvu, kako bi se utvrdio broj korisnika, ispunjavanje uslova i kriterija za učešće u raspodjeli nabavljenog repromaterijala, putem kojih će se dati savjeti proizvođačima o mogućnostima i načinima povećanja prinosa, zaštiti bilja, principima i standardima u primjeni novih tehnologija. Stručni angažmani agronoma u kontrolnim obilascima, te pripremi i realizaciji edukativnih seminara, sadržani su troškovima osoblja, kako je pozicionirano u budžetu projekta.

1.10. Podrška za rad Centra za tipične proizvode

Pored promocije bogate ponude proizvoda, podrška Centru je usmjerena na podizanje nivoa svijesti javnosti o potrebi zaštite tradicionalne proizvodnje, kontinuirano promovisanje, dalji razvoj komercijalizacije i konkurentnosti tradicionalnih - tipičnih proizvoda sjeveroistočne BiH. U Centru su izloženi tradicionalni prehrambeni proizvodi kao što su pekmezi od jabuka, bestilj ili recelj, pekmez od šljiva, suhe šljive, med, suhi sir, sir iz čabra, bosanski sudžuk, suho meso, ajvar. Poseban izložbeni dio Centra čine stalne postavke starih i umjetničkih zanata kao što je, ćilimi, drvorezbarski, grnčarski, kovački i korparski proizvodi, kao i stare i umjetničke, odjevne i druge rukotvorine.

Trenutno u Centru jesu proizvodi koji se proizvode u našim seoskim domaćinstvima i poljoprivrednim gazdinstvima, i to su uglavnom mali obimi proizvodnje ali mogu predstavljati mogućnost daljnjeg razvoja ruralnih područja našeg Grada.

Za podršku u radu ovog Centra izdvajaju se sredstva u **iznosu od 3.000,00 KM**.

U cilju efikasne realizacije naprijed navedenih projektnih aktivnosti i predviđenih oblika podrške, Udruženje „Bosper“ će u toku implementacije projekta osigurati:

- a) da blagovremeno poduzima sve radnje oko provođenja procedure izbora najpovoljnijih dobavljača i nabavke predviđenih inputa, utvrđivanja spiskova korisnika prema utvrđenim kriterijima,
- b) da uz predhodnu saglasnost nadležne gradske Službe na spisak korisnika vrši distribuciju nabavljenog repromaterijala,
- c) da predviđena direktna podrška namijenjena za smanjenje zaduženja krajnjih korisnika, transferisana „Bosper“-u bude uplaćena dobavljačima navedenih inputa,
- d) da se prilikom utvrđivanja liste korisnika za sve navedene vidove podrške **prate propisani limiti o maksimalnom iznosu podrške koje može ostvariti proizvođač, i to 2.000,00 KM za individualne proizvođače i 4.000,00 KM za proizvođače koji imaju registrovanu poljoprivrednu djelatnost (privredna društva ili obrti), ukupno iz tekućeg i kapitalnog granta,**
- e) da ukoliko u toku implementacije projekta bude prijavljen veći broj korisnika nego što su ukupno raspoloživa sredstva za naprijed navedene vidove podrške, **prednost će imati proizvođači koji se prvi put pojavljuju u programu podrške Grada ili koji su do sada ostvarili manji iznos podrške,** također prateći redoslijed prijave proizvođača za pojedine vidove podrške,
- f) da se za sve predviđene vidove podrške, generalno, potpisom na distributivnoj listi, obezbijedi izjava krajnjih korisnika da će u narednom periodu održati proizvodnju i da neće otuđiti repromaterijal nabavljen uz podršku Grada,

Završne odredbe:

Ovim Programom, za predviđene oblike podrške iz prihvaćenog Projekta „Agropoduzetništvo na području grada Tuzla“, koji će realizovati Udruženje „Bosper“ Tuzla, u skladu sa razmotrenim i prihvaćenim budžetom projekta, raspoređuju se sredstva **u ukupnom iznosu od 50.000,00 KM,**

Krajnji rok za realizaciju Programa, odnosno implementaciju planiranih aktivnosti i oblika podrške, je 31.12.2019. godine.

Sredstva ovog Programa će biti doznačena odabranom implementatoru projekta (Udruženje „Bosper“ Tuzla), koji će realizovati prihvaćene aktivnosti kao oblike direktne i indirektna podrške za poljoprivredne proizvođače sa područja grada Tuzla.

Ukoliko se u predviđenom roku ne realizuje podrška prema planiranom broju korisnika, raspoređena sredstva se mogu preusmjeriti za druge oblike podrške, uz neophodnu izmjenu Programa, koju usvaja Pomoćnik gradonačelnika za Službu za ekonomski razvoj i društvene djelatnosti.

Sa implementatorom projekta koji je sadržan u ovom Programu zaključit će se ugovor o regulisanju međusobnih odnosa u vezi realizacije sredstava raspoređenih ovim Programom, uz obavezu da Službi za ekonomski razvoj i društvene djelatnosti dostave narativni i finansijski izvještaj sa pratećom dokumentacijom kojom se dokazuje namjenski utrošak doznačenih sredstava.

Nakon realizacije Programa ova Služba će pripremiti i prezentirati Gradonačelniku i Gradskom vijeću Tuzla, informaciju o realizaciji i utrošku programskih sredstava.

**Pomoćnik gradonačelnika
Za Službu za ekonomski razvoj i društvene djelatnosti**

Zijad Lugavić, magistar ekonomije